

復莊駢儷文權

復莊駢儷文樞卷三

大梅山館集

鎮海姚燮 某伯甫

平定湖粵搖紀功碑文

煦嫗竅然後披肅殺昊蒼非日殘忍爲事教化窮然後
用兵刑聖王非日撻伐矜威四電誘祇爰征有苗雉雉
告祥鬼戎遂滅獯狁旣伐迺城朔方典正恢闕具昭并
憲矧蠕養蠢息於化日先天之下搖尾嚮化沐浴膏澤
者始二百季而我

聖朝不目其佞黠腥穢視爲禽獸異類任之班蘭侏離
刀畊火種廁於保羣卽能瀉繁榮里嘔飲太平寶椽豆

棉租賤歲供尙未足仰跂

鴻鈞報蒼甄育猶復恣其獷悍自外於天亾命走嶮騷
狄爾土其愚可閔而其臯實難追湖南江華獠逆趙金
龍者一穿鑿烙蹠赤髯橫裙歛黃韭插雞羽羅朴督鄂
之醜類也習太平遺之詭肆神上使之毒揚十鬼拽頭
之幻術宣五龍滴淚之謾經豨狗螞蝗扇惑九冲青菜
爛酒句結六對近日常甯逆趙福才等爲心膂遠日連
州逆趙子青賀縣逆盤均華等爲唇齒犯洪江踐長塘
陵黃竹撓五水據夾冲圖九疑劫甯遠白道光十一季
辛卯秋始至十二季壬辰宵復舛豕突出入林箐驛騷

卡隘鹵掠邨落蹂躪毘縣一熾而百旋聚鹵檄而東復
脅巢毀而蔓輒延防要則逸歧堵陸則趨水喪我百姓
繁我眾士傷我大將輕我

國瀆藐我

天威維時韓洲郎江之界黃旗橈舉龍櫛馬王之城紅
巾霧集衡山之雁觸燧而晨翺蒼梧之鬼披篁而夜諱
蓋高仁厚不總師討峽路故君雄士安之膽益張也王
守仁不領軍下南漳故桶岡洲頭之盜愈橫也飛章上
聞我

皇帝赫然震怒告

廟策

諱爰

臨軒曰詔羣臣曰朕惟我

國家自

世祖章皇帝

龍輿入關蕩決流寇八埏是統

聖祖靖逆藩曰奠四方

世宗討青海曰懾九服

高宗綏回準曰拓疆土

仁宗戡教匪曰鋤叛厲

列祖

列宗 皇皇

大哉彪著旆旛天下其間遯遯咸讐至區區土司海寇
跳梁乘墉試其鼠技直不煩軍士一弓一矢之勞於不
擾黎民一絲一粟之費莫不如困阱之獸遊釜之魚血
鎖而膏斧逮朕嗣

仁宗睿皇帝位臣蘇民洽者又季回首張格爾不軌亦
未旋踵而受俘於安集延

皇天

后土眷我

聖清麗日方中何有於鬼蜮蠶茲逆搖蠹蠹之螫毒耳
叢為槃瓠之猾芒陵廩君之宄南郡板楯之寇漢中豈
無威芒劉豈無右衛李用宜迅遏伸我

靈威迺馳

命湖廣總督臣盧坤湖北提督臣羅思舉檄

命貴州提督臣余步雲調補湖南相與安制綦節戮力
同心一鼓拊禽毋俾遠竄然而不堅壁清楚與駢雖才
無目老秦師於河曲不堵衝防突竇泰之驕反將襲宇
文於廣陽矧其脅方餘之氛懸立三分為犄角其由新
田楊家鋪至桂陽白水洞者巨逆趙金龍唐八等帥廣

東坡排鼠江華錦田各猺爲一分其由桂陽彌勒鋪至
常甯羅家橋者常甯逆趙福才福青等帥桂陽各猺爲
一分其往來遊弈與白水洞等處相策應者新田逆趙
文鳳福明等帥甯遠藍山各猺爲一分憑陵摩剝皆擊
尾應鬚鬚充席猖獗無狀旣不可曠我時日日俟其衰
又不得分我甲兵目多爲之備惟相與布田翟諸路之
師曰扼梅山洞蠻之隘進段斛夾礮之攻曰奪柏谷古
城之險麾零都騎軍之健目塞固石陵塹之穴俾逆猺
等進不能效建憲據芒半退不能如于毒還黑山然後
闕祝阿之圍走費邑開湟水之遺敵先零逮乎鮮卑思

歸往无可遜張徵軍濟智勇於竭迺統王渾之一旅浮
淮而濟發吳錫之勁騎衝山而占謝艾占夜如博得梟
陸遜把蒞連營受燼銷狸獠之銅鼓喪鹽神於陽石醜
其黨羽俘及婦幼囚歟徒之支十二斬濬水之首三千
坑惡而宅良靖靈而滌土皆惟我

皇帝先幾洞燭密

授機宜而臣盧坤等上稟

宸算公勇振作選燦風之士銳精駘藉目速歲大功益
自臣盧坤二月甲午抵永州勘蝗集之畛相地伏之莽
設臺站輓糧芻備軍械嚴衡常關課之徑調鎮算蹶張

之徒臣羅思舉余步雲等旋復帥師來會十浹十盪矛
蔽集焉九天九地网羅設焉止則山柵水礮呂為護行
則躍莖迤戛呂為警四月乙酉巨逆趙金龍受戮於羊
泉乙丑壬寅官軍鼓氣四面兜殲餘孽盡掃日不七十
兵不盈万地豐呂平民困呂復嗚乎不為哀牢遵蜀部
之約而為蒙氏外南詔之服族而夷之亦其宜也我

皇帝旋

命戶部尙書臣禧恩盛京將軍臣瑚松額星驛赴遼經
略全楚未至而已鈴馬南上露書北馳卽

俞旨禧恩等協同盧坤等妥籌善後因地制宜撫流万

郟立灋九條徙雁門之郡人置隴蜀之長吏肅冀州之
保壁封少水之京觀烈懦之愷允洽仁義之化聿崇且
夫呂周尙灋治軍而遂州獠之亂未定烏由奏愷而班
師呂馬伏波爲將而參狼羌之黨未降奚自檄軍而偃
耄抑沃炭而不徙薪星燭之火可呂燎遠也塞源而不
涸流搏激之水可使過頽也時連州逆趙子青於五月
乙亥竄麻岡冲賀縣逆盤均華於六月庚子潛芳林渡
惟臣盧坤等爲之簡飭堵禽調度呂制一呂副將臣張
必祿參將臣王錫朋突冲而克之而趙逆平於連州一
呂同知臣易中孚參將臣滿承緒攬渡而擊之而盤逆

平於賀縣傅永征義易而僊埤敗鎮惡走渭岸而姚泓
奔則欲曰螳螂當驂乘之車曰蟻力穿長河之穴誠何
益哉若廣東連州八排諸獠自我

聖祖仁皇帝康熙四十有一季隸入版圖久稱良善設
官立寨曰撫治之茲曰湖逆肆擾階屬毘連遂有房大
第六盤麻三等敵效其尤攫我鈇鉞於是

詔臣禧恩瑚松額帥臣余步雲乘銳進師從同總兵臣
曾勝等剿撫於行尅期旅定七月丙寅奏大拱橋之捷
己巳奏大木根大橋頭之捷辛未奏六對冲後山之捷
愷於竹之破杜元凱逐吳虜於秣陵易若枯之摧周文

育辟齊軍於苜府搖迺帥眾呈械面縛乞降大憝既梟
脅從免治姝榮陽李矩之詐奉牛酒曰欸關推資州衛
元之誠使擾鉏曰歸業宜歿之而生者生之歿
之所曰解眾怒生之所曰予自新艸木有知曷不扞躍
寤喟者說渴困者蘇戈甲載釋於南蠻饒歛捷聞於

北關我

皇帝稽助籍

錫懋賞進爾禧恩曰不入八分輔國公之職賞戴三眼
花翎榮爾盧坤瑚松額羅思舉曰一等輕車都尉世職
於賞戴雙眼花翎加爾余步雲曰太子少保銜亦給一

等輕車都尉世職賞戴雙眼花翎其餘文卷員弁凡著績者進秩有差弗遺弗濫復

賜卹致命捐軀之士如制焉嵇侯安易隸於恩澤之襄義成博望祀諸成仁之祠方叔芾珩召公圭鬯品物之賜抑無論已夫晉王儁芝陷濮州而受誅於黃梅流旤者已又載李繼遷寇清遠而敗歿於蕃部滋蔓者踰二季未有勞師不及朞埽祆及三省如我

皇帝之

神茆遠揚使諸大臣之膚功立奏者旣澄楚蜀八十四山川又尊兩粵二十七州府由斯而徃鬣首之種駸舌

之儔焦齒臬矚之類載

天地浩蕩之恩日懾雷霆震厲之威延頸歛跡蹶角从
化子孫禮讓託蔭万禩豈不懿歟午開

軒鏡通陰山爲日月之門霧卷崇旗關虎塹作驂韜之
道艸菲下土且闕

鴻業載忭載忻敬搢勒石之文呂頌

聖功於無旣爲之銘曰

勳華秉籙體園宅方六厯延祚四賓仰暘槃杆九有袷
帶八胤喁喁鰓鰓來高來王

皇仁露渥軫及痍傷

皇威霆奮制及窮曷眊哉糜醜犬獠三湘引姦湟挂絡
藪溲蒼祆巫狐趨耗魃蕪瘴梟謀萌起赤矢流槍侯藩
函疏請

命于

閻

天怒斯赫

聖茫用揚外臣岳狄內輔蕭張

授之籌帑遣事戎行吸噴紫電揮席青霜三門虎闕又
壘龍驤驅劉素習稜威孔彰左斲其髻右捭其亢毆鼉
積井躡鹿危梁蒺藜四徑拊勒重膺精夫季母獠狗撞

復莊駢儷文權

卷三

八

天梅山館集

狼灰于一炬焦爛燻岡雄威繼振川拒崑搶鐵脛蜀辟
銅馬東創橫坑油嶺裸族盤房不知灑戴豨肆披猖烏
丸一截赤眉再戕讐慄蒲伏泥首皆庭篋倉壺漿帛篋
粟筐面北呼

聖萬響一塘干羽格舜网置解湯聲教所布鑠漢陵唐
宸顏展說太史書常策勳

清廟

賜脯

明堂爾屏爾翰要甸之鄣被爾宸輔宅爾康莊鴻文露
布鳳字雲章頒南傳朔氣霽詞皇兆民履順

天子當易太蘇密迪方載貞祥

蟲詰

楚纍目息國而哀攬其大侖天問越愴目閔俗而憤詰
其小作蟲詰論乎文誼各有歸意不相襲辨物而記醜
君子或有取焉

蠕蠕曰虫得从迺蝮交春始蠶遂闢混沌何依聚而爲
蟲類△朋以成黨外羽毛鱗甲保之三百六十而爾蟲
冑爲之長鳴目脰注翳或目翼股胷何寅掖而聃動亦
蟄穰而俯冬始得氣而始雄失勢而遂自窮乎爾蛇之
懵懵何不蛟而不龍爾蝠之愁愁何不禽而不獸惟爾

蠶桑樛目自養既飽矣鼯鼯而夕繅目爲煖疥瘠者之
寒也而爾身其僵兮誰爾切惟爾蠲蠶之屬目絲自縛
完其獸他人入室兮詎曰善拮据目營屋虱蠖盈尺屈
而求信何倏員而倏方徇蒼黃目就人青蟲憎憎房於
禾葉何縱而爲蚩母之旨不能保守其所業百節百足
爾螭之所長與夔堃行孫其彊夔之憐爾實爾傷纖爾
蝓蠹口黑而无毛何會木之心兮而利如錐刀紛爾特
蠢如螳而色白何蝕人之柴棟兮而傾人之宅么爾炳
魚鑽研故書何擁万卷之富兮而仍白其軀眇爾龜常
出青負黃何飽牛馬之血兮不能辨物之否臧科斗掉

頭而弄文兮矚測爾之鷗塗蟪蛄張喙而效吟兮訖
爾之伊唔贅炳腐生若霧之集何雨澆而風春甘自就
於陰溼醯雞酒生肖蛹而狃何審味而識警罔脫桎於
寸糞爾蜨札札何溺色而自殺爾蛾薰薰何趨炎而自
焚蜻蛉亭亭四翼六足何不自羞其輕薄絡緯騷騷言
言爭語何不自厭其絲絮螳螂有斧莫能車侮何不自
息其艱苦竈之莊螂歛沫於倉鏹何不自知檢而目漲
亾阜螽趨趨交蚓而同穴何不自知恥而喪其節土龍
蜃蠃會槁歛泉屈結而斃何廉而不能自全龍龜晦菀
網行幕走竭悴而戕何智而不能自守何官竈之衙歛

好顛公而倒私何田父之肥癯驕行走於肉尸何蠮螋
之長踣犇走傳喜而慕盛勢也何負蠶之短翅出沒就
隙而蔽詭計也何丹良之宵行守微燭而恃明何浮游
之闕天猶粲衣目炫好子母青蚨惟利是圖矚命之權
祇恠恠焉為勞乎螳蟹鬪狼挺鬣而疾鬪使之諷力雖
喪元而不恤爾蚤兮善跳何不癩一搨之淺躁爾蝨兮
善逃何不避一燠之禪焦有蠶而螫自衛其蜜蜜之成
而受割兮爾將矚詰螟蛉類我果羸子之子之長而不
父爾兮爾還飲依蝓蟻弄丸始夸乎金張之侈富也蝓
蟻流涎始企乎衛霍之華胄也塘螂歛氣始希乎彭篋

老且壽也鳴爾譟蹴叩頭且自辱鳴爾虞陸吐絲而自
經石尤何妒而暴其風俘鬻何嬗而淫于吏何虻白與
饒赤潛藏府目齧人始猶貪懷而亂國惟奸蠹者爾臣
何螟螣與蝨賊賊禾稼目自寡始猶摩剝而鹵民惟充
席者爾盜傍屋目尻厥宮是守何隸寺兮職闡而尊之
曰它舅螂蛆昔昔惟苛酷是从何畏遭其鉗毒而奉之
為吳公何不思歟工挾弩鵠能會之刺蝟攤矢鶴能弋
之度古冠鐘雞能極之水蛭入肉不能劾之薑鍼亟
尾井泥能碎之胡警惕之未知敬逞其橫而極之不成
一技螿何恃能伊威黏鼠何不自憎甘彼溷矢蛆何性

殊負金於背不用曷需何子子浮勺矜瀛流之汪洋何
焦冥巢睫等自大之夜郎何帖嬾懷刃而采服目誘何
豎之匿廡而乘曖昧目爲寇彼蟲面譜而蓄其叵兮何
背焉而輒噬我也彼蟻鬩而瑣瑣兮何競癖於羶而不
憚其瘴也彼蠅何蟻而善汗兮恆含臭而口哆也彼蜚
何集蠱而跌盞兮好揚醜而身裸也媿何自嚙而毀厥
形何復育其蛻而不靈竹蟲何狡而許人隱彊蚌何鑿
而擁倉困砂揆好睡神何惛水蚩易化骸何存統兮姓
兮或臞或侈娟兮蠟兮或翹或倚何醜類之實毓迭化
注而汙已統駮蠶與蚍蜉臧坐斃而斃鄴何不自適於

爾天兮俾无蠶而有牙

陳孝女碑

呂獸志成獸行金石亦摧由至性發至情神鬼可泣母
死而殉陳三姑當傳也姑鄞縣人茂孝女詩禮自範處
而寡言咲操作之暇依母為起尻母疾姑息焉春事之
牖日丹丹影无暫離牀鐙熒熒警不知寐如是六月母
疾既甚齊絜籲天搏穎千百久而弗應謀力於窮棟思
彌迫抽刃剖鬻蘇藥進之淒顏澤枯重帛血滲壹志在
母身忘創痛而母卒不廖姑擗搶危慟繼呂酸嘶輒復
舉幃疾呼摩面徐喚猶俟其寤不畝言死夕則依屍同

寢仍如生時左右袖手无所解喻既大歛姑迺悟母之
眞歎目爲哀哀天地竟有此時夢夢教生後將敢恃心
淚盡矣徃无他適入室而招誰復磨我九京咫尺逝猶
可追抑爲之頓首語姊上有老父下有弱弟汝生盡生
吾歿从歿乘閒仰藥猝不及防偵視知變已不及救而
姑歿矣維時庭對未穠爲之實葉梁燕將雛不忍辭壘
路人輟業鄰嫠舍機眎旺所集書不歎誦夫宛陵管女
之里越州唐娥之碑奇烈藉彰風厲千古苟非闡揚久
而湮沒抽豪談言伐石丹之用表其間庶徵厥後澤因
兌麗占符少女之貞惠目恆傳舜媿外孫之譽事在嘉

慶二十有五年二月十有一日女年十八猶未字云銘
曰

光无翳堅无愜日月杳其赫誰目爲滅毀也而議其中
庸之過

元夜卜紫姑神告祝文

壬午占元夕諸妹帥鄰女卜紫姑神爲戲屬子誤禱告
辭聊託曼倩非有之諧巨均昌黎送窮之例

百蟲將軍醉飽而蠢区路掠刷財勢窮窘花夷遊戲不
知遠近惟神紫姑生而鬱鬱歿而渾渾占帝憐女命爲
廟神圃有紫相公溷有青洪君而女則與灰七姑鄰與

筭箕姑親目女之神奇可目化項天竺之臭屬曾女之
智慧謂不如白衣倚之濁竈女知之乎二月迎社奠八
月賽田祖除夕醉司命清明祈蠶父今夕何夕風栩栩
月午午甄仲舒不女欺后占孃不女侮元州咩管不女
藏終南先生不女阻則今夕之受嚮而弗吐者固惟女
神爲之主也女不見白家金蠻妹宋家鍾馗女阿姦阿
姘徐媪潘姥競樊胡子之妝宣趙挾鬼之詔賽會金花
叩釵鬢儻盃玳位版署熟劉盼宵一瓣香燒孫小九
兩行炬束荊茗帚作尸打油栲栳爲鼓渴有雲孃茶飮
有張媵粒女曷效卦姑甞龜東印西俛九姑占艸兩橫

三豎豈擇女祝女而女終嚙呢以拒乎女瞽不聞女形
茸接或目為竺瀟明之裔女或目為李景納之妻妾或
云行三名為笙或云何媚字麗卿咄哉毒蟒置女慘刑
忍哉老狗力不女拯始髡頭黑面屈佗袁紹区寵妾之
一抑弄兒拈頰誤為賈充兩乳母之匹始受昭信灼膚
鐵目椽女陰抑逢瑞嬌沃鼻齧目蒸女骨託命六虎噉
嘻金扈既不悟二馬之難同一櫓復不學三婢之早求
離戶幾何不絞之廁而縣馮方之女支解投廁而熏厥
夫人之臧也夫康姑歿冶而得卮升石女沈水而封曜
霧畫鞠花僊於石壁邀金華神於望亭記追有情冥嫉

非幻逝者可留竊或延盼今女亦祀有響職有尻工蹴
躡除痘癘一月六巡徃來輿隅雖不尊於王搏頰蘇吉
利亦不隸於尉鬱壘丞神茶則能有功於女司者夏為
女數之折范睢之齋席卷而授女之堂女其為漂母哀
王孫挾思公之卷佗文而入女之房女其為清娛侍龍
門王戎避葛旗於女室惟女假榮十一孃之牀目護虛
侯殺呂產於女宅惟女揮林四九孃之劍以助賈姬遭
滅數當絕女又非无媿好力晉侯陷歿命宜終女奚能
破張姑功歿奴歿婢女制之錢義李赤女御之壯阮德
之膽激李斯之志免趙襄子之刺成鍾昭烈之事鄧璞

裸身難女招淮南下謫為女僚助不冒敍職无濫叨女
何有於會稽梅姑之流洸青溪蔣姑之弄妖今夫擗馬
頭菩薩而不與百倍利者土木之偶也祝鮀簫女子而
不賜一斛泉者血食之醜也造我区色繪願與余媚孃
丛名繡我六幅裘願同薛夜來爭巧出不願事鄧元義
家姑處願得尹綉榮目為姦子不願抱周霸婦假兒夫
願得梁伯鸞目偕老靈於鏡奩指我目方神於鞦卜告
我目祥粉繭員橈何福何殃牛蹄解合何否何滅神果
有知如願我慰當誦化妒神呪以釋女冤喧花奴羯鼓
招辨女穢法法而後藉妃姪姪不逢介難妹金紫盛

冰迷女姪石季倫之圖瓦礫拋簪脫女離簪
粲厭多妙好之釵翬華天軼子占之粉黛丁夫王婦永
謝耶俞緣郎紅孃釵乘犯忌何尙有嗣家不潔之子不
顧揜鼻而效女態東海逐臭之夫逞其弱顏而妄恩貽
女佩耶我旣曰子胥瞽姑之說相聞女其爲滕王白帝
之辭來對告旣終神漸退黃衣影燭光曖豬鬮邊聞犬
吠

慰排進賦

息屯鎔否天時人事之告窮也范蔚宗之書曰瞽執排
進不得進退其謂斯乎息將三十年魁得寸安府印

周章出入凌雜畝使其然悞墨而譎誰解端序寒蟲之
號用目自憫而已

緊曠黃其斂夕兮詭空氣之庠庠漸含靈之布宿兮歛
末光目澤枯惟神媯之歛九微兮澹迢迢之闐闐奧習
象之匿絜兮遊於何而繫螭若會靈輒於耶門兮發於
菑目為葩意欲繹而禕隋兮迂跼蹕之羣化任傷僮而
不整兮寂閃榆而為藉欲呈身以求試兮奚補苴乎干
罅羌瑟尻而投豕溍兮沈彫劫其難死爰升虛目眇遠
兮凝皓膠於大湖嶠岭高下目為椒兮椹蓬塊於四郭
策所從而焉指兮瘳飛薄於斯須緘交鈎目抑憤恨兮

蓋罕漫目悠徂苦悠徂兮孱守蹇六合兮培塿芟牢刺
兮保專狂子景兮存偶曰蟻伏爲遜之嘉兮虞肩越而
失自厚疇繩連而警隕穫兮俾適其竿量而不苟也將
恆喑歔而慰瞽兮亦奚所鞭撻而振其軌也惟蟻競而
攘四凶兮安知有蜩託之箕穎各叨天目宅廬旅兮畝
搯注而分其徑庭彼愚子之昏楮兮宜儕彫眦目俱屏
胡那豎之嫺都兮凝肩騰而藏覬攬八埏之盪盪兮祇
驂龍而遐騁不假拔涉於步履兮緜蒼煙而直上儻坳
身而終泯夢兮我夫爲造化之疣癭窮事故而思豫隘
兮奈茶伏於罍筭梅曲鬢而受柑兮曷曰寄吾之目瞽

將效施曠而爲昭藐兮防窘意之先自媿水目淤而不
流兮木目顛而不扶籩田互而就荒兮吾无耒而曷耨
已獻馘而邊墜兮還益之曰遲頓叟墨尿而單至兮復
不自劑其急緩懲焦焦之見瑣兮孖誚誚目相引也苟
拗彊曰甘橋飾兮恐踏跋而卒貽債也揚大圍之曠閱
兮揭太始之積霽納冥機而發煙照兮倏霏翳而若深
矧戴笠而當榱牖兮眇鼃黽而爲躬秘肉顛而不我厲
兮抱汎沛曰就昏因卓礫而潤黼黻兮夫夫何免乎噤
吟矢恠款曰謝阿邑兮庶弗數愆其靈緒也胡秘攔而
好求我疵兮謂肆姐之不能我鄙也滌長川之邈倚兮

後身馬使之才 卷三
拂空馨於蘭杜云鯁鯁之可乘兮愴美人之已古
麴蘗蘇兮浮罍撥清籟兮袖舉弛元覽而終虹洞於无垠兮
我其植心根已堅叢處

涼月賦

虛窗瞳瞳若已昧
芻孤蟹在莎
露語初歇
薄袂更揜緣
墀自吟池水澹而止
止移麴扇之桂陰
涼颿遠來汎我
玉琴寄眄雖曠匿
思轉深知誰家之高樓
鐙搖曳乎木
杪
愴邁日之塵逝
習靜爽已娛
抱白雲空晶天
漢星少
微山髻卷素態
含眇思佳人之善悲
元髮彫而易老
矧關河之欲霜
變去日之芳艸
憂來何浹
紛難白埋
數墮

葉於高何方款款而未已

玉鮎樓魚子蘭賦

美人未寢香澤晻晻佩若當帶纏乎流枕持弱蕾响微
苔銀鏡半池湘屏斜揜審苒能諦軋列行苒兮蠶縮
猗兮蜨翔暗黛珠纈員黼玉襄蘼芳兮蕙纏羞而避兮
難自臧通默意目潛授兮靜浹之而若與忘也乘盛季
目寄娛兮風之恹其曷久長也爾乃拭席試弭卷幔敞
筇露警乍恬月語方寫鏡杪出煙鈿角橫柔娜娜駢駢
若倦而譚若引若惹亦矜而冶媚蜚蛾目約笑汎遠息
目延坐殿薄裳而景雙隣谷夕之夢寫新辭兮合懽拂

展轉兮樂紉惟容華易彫兮使我永歎

軌鑿賦

鮑明遠曰器惡含滿敬物忌厚生浸陸士衡曰近情若
未信君子防未然甚矣經始圖終其克勉於祇悔者皆
自怛若創痍中來也然則其出不出間不容髮雷穿石
縷斷幹絲淚毀骨蟻壤漏山非始於漸摩日致敗壞凌
裂而茸之或過乎淫名不可目久尻矧益之目涼憇之
事濫利非能生孽而處之目暉物窮寵隆隆者蠹炎炎
者滅自古爲然矣保有家者當知警焉因慨於吾之所
聞作軌鑿之賦軌鑿云者蓋取乎前鑿不遠覆車繼軌

之辭也

南吳有浮游子者席祖宗之積業對鄉曲之豪舉目曠
攝今眇可與侶事无十季勢若解瓦窮樵翳鄙不直塵
垢縮胸裏詬與隸伍忤世道嶮巖訛來慰苦東越常行
先生客其地間而閱焉問其鄰精爽生曰亦知子之鄰
有浮游生乎榮曜鼎資藹藹赫赫卓鄭左抗陶白右埒
置高峻之地位挾富彊之季力眇崩山於一麾濱百川
而无塞方目謂千穰萬歲之樂何者其極也於是窮豫
章之大材構閔奧之宅第繆垂檐而水明軒雲甍而城
翳複衙五馬瑰於侯王環門曲榭列爲洞房飛鳥下視

鼓鼙感皇卉木紉華因時備麗匝膺丕重不揜芳氣工
調劑於溫涼齊夏冬為一致迺有妖閑袪覩易陽邯鄲
承志邀寵傾瓊委蘭隨所眷目導悅无偏昵之定權列
貂冠之上賓席方丈目行酒管絃張而沸潮燭淚積而
盈斗會客万指狗馬千頭隨珠餼玉竊采博揆其或陵
僭而嚙昧也有舞智目謀保捍者其或百贏而一匱也
有發帶目代權會者宜其謦行樂之未央安遊佚於无
度而胡為抱迤寢療影淪躡仆之若是其遽也有是說
乎精爽生曰噫難言也先生長者姑儻其畧厥伊高曾
禮父迭創迭守創目艱劬守目忠昂內除驕淫之習外

懲苛慝之造準仁義為權衡瘳物備於小醜是曰鬼神
相之俾豐其有不奪不頽充大絛久而此子者稟質短
弱蹇而寡營菽麥不辨汎剽自輕鶩汎沈而罔反專耽
盤目騁雄朝擲干而暮方圖所欲之必成取愉悅而弗
暇奚拂逆之偶櫻然雖馳不受範欵難恃盈而猶未至
於江海竭而秦嶽傾也而迺招邀賈豎尊禮屠溷椎埋
穿掘客之上選臧甬海獲壯狡童變臬簿畋獵出入凌
亂賚賤一齊奴主无辨惟若等黥淺匙能獮偽有紫託
充寵為要津假威嚇於遺路培克百端牙爪四布激水
造冰乘燎揚霧矜狐鼠之跳趨飾裘馬目橫搭極細肉

與織罽夾繳弋而羅取為之蠶旺媚觀充殿華庫闕顏
色之投要恩眷之固而此子習競進目為恆夫弗究其
所由致也於是彊梁憤心頑鹵側目集作蟻為蠅攢閔
羣羝為藩觸左驗周詳庭告蒲伏欲詆讞而辭遲遂積
讖目成獄思懣酷之及膚願減辜而增贖苞橐鏹目占
下差告免於三木益之痾孽內生膏疹劫起水火炊喪
顛連无紀木遭蠹而就僵艸經霜目待萎然後鷹跟犬
踰狐遯兔亾掉尾反噬振翼遠颺竊玉踰闕抱弮下堂
晨院寂兮无屐夕篝黯兮不爇係公咄嗟偃蹇擗踊止
无所安去无所徃惟轉輸於外市咸乾浸而苴稽墜受

償於責券歧四出而問誰媿道旁之王孫慚清門之舊
子還屬屋於他人僅此身之不歿且至於槁項蓬蓬黥
墨其色恣茹瞳眙羸齒餘息掣原憲之襟肘覲顏回之
簞食不誠天道之好還而君子當思自惕乎先生曰有
是哉麝善陷而臍亾象好踐而身折虵肆毒而遺珠猩
耆酗而傾血不達見且相幾誠非保身於剛愎也嚮使
履轍知常持之謹飭沐浴詩書涵養道真隱曜含華叩
園闕跡傲天物之暴殄防媚佞之熒惑无欲无求弗蔽
弗溺翔翔沈沈俛仰自得王侯不能傲其榮天地不能
貽之戚何至灰劫一換冰山倏積親朋皆疾妻子面乖

侶飢俄之癯瘁肖凍鶴之毳毳供指摘於庸保邀噬叱於阜僂梟狂林而晦弔鬼入廟而夜哀卹墓之鄉不守金鉅之氣爲災此誠悔之所不及悔而悲之所不容悲者矣抑子嘗聞之乎秦后子曰無懼而選公叔戎曰自驕而亾襄子變三年之宅楊惲无終老之鄉石崇曰遭刑而頰鄧通曰受餓而脰當其敖田睨寶揮金席張猶曰爲瓊厨金窟万斛千箱史丹之媵充於後房廣漢之園冠乎雒陽鹽鹽鑄冶耶贏有方販脂賣脯蚩胘佞良貽蓋藏於孫子羨千倍曰恆康又安見善惡之感捷而吉凶之應有常也是故澹泊凝靜諸葛所曰持已惡滿

好謙樊重所目誠子劉向目福澤為培陸景目忠篤為
矢房元齡之沈溺防息雋不疑之進退循禮燭不目明
鑠鐸不目瞽毀如谷之臨若久之履虞改塗之傾春槃
裁之始曷嬰累而怙非羌謝譽目求是所由成性存存
而吉羊止止也若浮游子者其又何足與置喙歟
通明殿為海棠乞春陰表

臣紫虛元君領上真司命治南嶽魏夫人弟子女夷晉
封花姑董霧微敷表通明殿天帝闕下臣聞鈴縣禁樹
咸襄帝胄之恩帳護宮花特簡史臣之掌切雕臺之沓
冒運宵檻之機輪鼓擊膏硯上皇籙判詔傳火速老后

能催猶隨其陰設陽故曰競彼握棊佩綺懿惟闕下大
圓宅一靈顯光三元象招搖權衡亭毒蒼龍左右臣隸
句亾轉絲迴黃鼓二十四番之鞦扇嫣紅姪紫繡一百
五日之江山三十客莊巖瑰金容曰寄婧十二神婉嬈
冊正版曰鑄萃揚睡者蕤苒擢昔者茗發青元婿夢縞
夜慵妝倩桃含笑而裊裊穠李迎春而躑躅畫六僊人
之晚黛湔十姊妹之朝裙正影湘中輕波閃佩檀芽天
半香霧霏弭故雖小艸在山大託易餼之字豈有依香
成國不叨雨露之沾茲惟花戚里海棠者出身命婦系
產昌州輒或絲罽織惟稷貼休文有句子美无詛趙解

愁眞再世無雙姜玉兒是羣芳弟八孤難自立託梨樹
目爲家生不同時恨梅花之未聘碧雞路遠悲含雁塞
之王嬙紫麝香枯怨絕馬嵬之妃子柳枝寫照本爲多
病之軀豆蔻含胎况是有情之物是宜曲調密護欸愔
深憐裁步障目蔽翹風抱團扇目遮明月論晁試鴛之
弱固難禁狂雨之摧卽趙飛燕之驕夫甚畏盛陽之虐
伏願車回長史節駐豐隆布曉曉之輕雲蒸油油之微
溽侶寒侶暖恰二三月之光陰不淺不淺得五七分之
氣候蒙醞釀目資培植眞教挾髓而淪肌發英華目澤
昇平豈不傾心而吐膽庶幾保輕孱之質免賈落之息

守姪女丹爐不愁炙手抵阿嬌金屋爲庇歡顏瑣子連
環換一束娉婷之骨太真百媚冠六宮粉黛之姿若非
著眼矜憐自分淪身於殿腳祇要貼身擡舉並非邀寵
於遨頭承甘皇后之綃幃柔肌煥雪牽趙夫人之髮幔
瘦影偎煙儘堪玉女於成特遣氤氳之使何翅金吾不
禁大開馳蕩之宮則不負於逝水之年華皆有賴於上
天之眷顧矣臣職本卑散權无造化恐東風不解易影
倩女之冤憐長夜苦寒誰攤昭儀之背聊同司馬代賤
長門忍使嬌鸞終嗟薄命醮醮鬪豔漫憑蜀錦亭空蛺
蝶陶情自有香霏閣在避得封姨惡如尙樹又星日月

之旃照他左女附眠待燃雙蕊瑾瓏之燭臣誠惶恐謹
表目聞

宣典李氏三忠贊

三忠者明江西監察御史贈副都御史李公頎字廷實
仕永祿朝自謀治逆臣孫可望事敗同吳貞毓等十八
人被害於安隆外頎之从孫兵部侍郎肇高廉雷瓊羅
巡撫公用楫字若濟崇禎進士自永祿五年官肇慶等
五府一州耿兵來侵公師潰沈池歿用楫之同母弟中
書科中書舍人監軍道公來字我貽自中書封藩廣西
肇慶失守奉命監李定國軍从攻肇慶志恢復不果兵

敗殉難歿我

朝褒崇勝朝殉節諸臣其

賜諡者至一千五百三十八人之多三公曰祖孫兄弟
出一門俱見軼而不與於

卹其鄉人吳惠旋示變曰進趙懷正所作合傳屬變
爲之辭曰寄其後之賢者嗚乎日月蝕晦不淪精采風
霆之氣可移邱山三公者孤孽餘燼抗持元黃抱愚无
折志及旤无卻步蓋曰忠貞勝也而卒皆曰仁歿龍箠
不攀螳臂遂折濺血絕徼沈骨異域握手相見曷所慰
於九原事雖不成已无媿於天下特彊臣外恣奸回內

虹不能膏我戎剛之刀礪彼梟獍之鬼是三公之遺憾也或曰大厦就傾一木奚柱知難而退儻游其身詎失爲見幾之君子然則挾戴義警犇走乘勢傾軋媚忌假公務私決裂敗壞猶思偷生自全而卒不免於顯戮視三公固何如耶如御史者可謂烈如中丞者可謂介如監軍者可謂節疇請

命於

盛朝目乞補諡之典贊曰

氣運在天不可逆綱常在入不可絕吁我三公兮洵錚錚乎能自立

陳芝楨方伯政績圖註冊序

道光癸未樓布政使江夏陳公移節吳中杭州景福泉先生次治績之大者凡四續圖贈之行都人士咸導揚懿嫩發為詠誦其警愉其情惻無諛佞之汎弊有孺子之餘慕詩既成冊命變序之變惟今

天子億崇儒臣超邁堯古求視民苴洞燭隱幽謂公讀書通經識治體慈祥仁諄可為蒼生福爰

命之保釐我浙屏藩於南東公既來占自羣吏下泉編氓跂足側耳肅乎觀旺始焉熱然繼而躍然熹百廢之綱舉欣積風之載飭聖湖之水用揚其清錢江之流取

喻其遠則於公之去也遵古風人之誼而誦之嗚不謂
宜管者申伯出讞樊侯徂齊吉甫送之佗崧高蒸民之
誼相勗召南甘棠民則於化行之後追恩而佗也浙人
之誦公擬之吉甫所望事尤覈而有徵例諸召民所恩
化以浹而非遠攀留首及感泣為謳不假懸揣彌形婉
摯已曰湖上詒經育英才也稽文行為存黜別良莠為
勸懲惟公敷韋賢張興之教曰集鳴中澤安流厲也酌
宜於錢米粥飯充類於瘞癘收養惟公廣樊準辛毗之
澤曰長圍環碧捍潦沴也辟其所淫目殺勢抗其所激
目砥壅惟公師劉義贇王皋之遏防曰困倉爍斂廣積

貯也於緩則入無所苛於急則出無所克惟公瀟韓琦
司馬光之儲蓄教曰振土風澤曰蘇民困邊防曰衛蕩
析儲蓄曰備歉兪是曰學校無佻遠人無嗷水無警飢
無躑知惟公育髦秀之材儲升選之器制生民之度彌
不獲之憾曰致公之欲去喻喁遞道衢歌而巷祝者曰
一至於斯公往矣出斯圖以示吳之賢大夫仁士俾其
知我

聖朝未有申伯樊侯之臣我浙之士民夫沐浴於召公
之化豈不懿歟變不才隸公宇下浹公之治深矣其敢
有飾辭

江亭修禱序

夫劉楨二七之被謝幾卿風日之篇茹縈斟元陶潛天
倪衷事歸疋奠乎尙焉然而率狂狗狷佩聲委氣叢灌
相望傑乎一時逮有循跡攷徃者輒又俛仰太希爲之
嗟唏諷悼名湮字逸等於菅塵豈山川之閱靈抑亦曹
藻之辭凌波之辨不足呂抗幽遐傳簡楮耶理可慰已
循光十有六年歲惟柔兆月次鵠晉癸丑朔四日吾師
徐編修廉峰先生息葉鴻臚筠澶黃編脩築卿陳戶部
頌南黃鴻臚樹齋汪戶部孟慈集同人四十有二人會
於京師宣武坊城南之江亭繼永禱禱事也惟時太空

激霽晷景緜遠羣緣向滋禽羽導暄騁目惟曠引心得
淨文采下上媚潤雲日之色琴尊左右掩鬱林木之氣
騁从惟屏弭管不張相與攬嘉序練風情樂唱于適
調中醉行觸憩賞鳶魚自天巡衿挹鶩迷偶咸洽叨簡
座未得與辭焉夫日霄壤異蹤雲波忽合軒輪之吟千
里為緣造化所相神朗偶結娛眇云至興襄曷已惟古
人有卽景造山盱衡時會日證其樂行息違之心或則
激裏向默游雲息川蕩滌其塵蔽垢牽之端以淵永其
學問義理之趣矧茲良覲特卓薈處幅舄萃聯所當遐
企往愆勉砥將來一息于爍異軌同轍使徒詡名引譽

誇張盛遊濫觴清流恣顏曠達飄暉滅智艸腐木壞吁
其何益已幸同樵拍須鑿蠅言情榛目協且鬯興於長
風斯文具狂弗貶於來者

復莊駢儷文權卷三終

復莊駢儷文權卷四

大梅山館集

鎮海姚燮 某伯甫

燕臺本事錄序

東海生匿志佗僚栖心羶沒大鈞罔憐廣土魁倚惰竄
一息濫邀粟絲歛仄名義性情潛媿猶欲放悲骸嵬消
汨日時諧謔百端下等猥兒亦復何叟必謂屈宋隱憤
莊列厲言擷椒蘭杜蘅泉蘇茸母薜荔兔葵之屬拉雜
佩帶而結紉之或辟混沌破希夷若有井輿斗軫鸞旂
孔旒綽勺媚眎華喬曠暝斂裊翩而來下攬撫与賸
目疏淪意淤抑更腐且濫矣躬際太平穆清萬寓陽舒

耀景芳風扇塵卉喬豐豐羽翥趨逾乎丹鳳白磨交
柯連理之瑞民則飫澤飽德游雲翔風熙平皞乎怵操
九達相索懽樂以致習都盧尋撞安息五按猱雜燕戲
窟礪蹴鉗躡角觚擊戴捫翠諸伎輪襍沓來笑騰廣
場陶鬯蘇會逾於西京若游覽志景物矜誇迷者屢
矣迺有四表八幡柘枝鞞扇躡節應度協以青吳白紵
謠号浩曼激楚之聲色長品子雅郎舞郎蘭琚茗鞞虹
媽而赧國真靄批蒼五光騰集什伯於昔時益之太素
澂廓包函眾纖恣其導揚聽厥案衍罔有禁闕於是華
胄饗人車川馬龍深宅潭潭傳譙懽夜貂烏行燭鶉炙

山高變子趨蹌曼睽延醉獻壽百年娛悅忘老五陵豪
桀結客少年之場箭飛轂纏錦臂腰弓手槍鬪雜格熊
黃金咳唾一笑千笏挾策無門懷刺字滅者短衣塵後
覩棄道旁塊礪在胸五岳稜起亦與之鞞席茵拾妙嫖
酣歌統如擊劍罵座倏爲涕洟以杼洩其髭嗒潛尉縣
煙螭鬱之氣縛春融融廣陌如繡綴飾豫泰益溢上禮
攀襦俠執吁云至哉脫不選神鍊質腴以楮毫暄韶電
馳頽齡晚迫固不免執籥秉翟椎泣於孤幽且奚以見
今之元髻巷歌黃髮擊壤其相與佖貽駢坐鏗眩抵頽
陽阿蘇任恢恢靡靡以之績莖英莩韶護者有如是之

都且盛也客有難之者曰文章之事所以抉性命役鬼神何狼戾揮灑以蝕天秀苟有所作小則揄揚忠孝闡表潛德指南庸愚大則勃宰理窟禰聖祖賢翊贊名教藉諉不能盍就懣默雕鏤銅鞮刻畫上啓縱使潭景颯起雲蓋映葩媒嵐狎波曲瑤疊琚髮髯乎遶孤梁與尙衣態盡妍極亦適爲靡志之俑雖究其端緒鎔文見義能體五言於春秋之言又若呵壁捶軫且議悅悽時露中漣有別感焉以厲之不盡翦削膩侈廁諸譎言然終何益於謀謀耶蒙不佞罔置喙焉潤色葺籥衷例歸臆聊緣賞以遣懷夫何問乎吾諒與吾誹

浮邱子序

不通天地人者儒而備不兼才學識者史而矇然犀不能窮萬藏操蠡不能測千仞雖有箸述非以寢嚙爲辨卽以罍漏爲閔非以刻訐爲精卽以蕪擣爲博熒眇而淆耳竄氣而蹀聲良不如其暗嘿也海秋湯君揚目睢睢礪角鬻鬻讀書窮金緘之奧樹品辨玉疇之微弱齡釋褐世望重其龍驤短疏糾奸同官畏其獬觸畫諾之暇抱槩而棲搏人海之塵坳弄古哲若泥塊揄周揚孔紉之得其緒貶老嗟莊以爲不屑師遂咲盼乎太希控揣乎眾象殷殷軫軫著浮邱子十萬餘言靈輶弗膠平

臆無垠綜桃韋鳧與裘幌爲一手包兵農數術灑於
百家中祧軒義遠步紘極疏劉荀三十三條而人道著
纂楊簡五十五篇而聖理彰約之可樹身命之崇枋恢
之可輔

皇辰之上治其所濬者通而所承者鉅矣爲文則玉版
鑾龍珠玳鈐虎穿厓穴而出躡虛空而行飛沫咆澥役
網象虺虬以習戰迅颯噫歎披號屏豐隆以戾游檢括
滕囊闡繹汗簡不皮傅而批謬祛善踵繼而冥蹟探侈
侈焉而嗽喪喪然以縝而其爲誼也汰管晏雜霸埽申
韓燄燄掇葩於淮南而去其支縷幽於鬼谷而刊其削

碎於陵公孫龍之險揚慎到鶻冠子之浮始鸞墨遽葛
譚罔不導其淤傾其粕卓矣哉自賈誼董仲舒桓寬王
符徐幹諸家而後其足以粉澤夷庚超揭溇至者斲推
是編已夫工避尤而防其倖者蒞於辭趙壹傳曰不敢
班班顯言是也好詆世而掀其醜者嫉於性傅毅傳曰
如彼兼聽則溷於音是也湯君既兩絕其弊而又靜鑑
虛動警物狀著於形形析微於心心然後操筦綴文貫
肆之有綱鼓鑄之有範惟通才著書以百數不必以太
元次五經儻給事侍讀於明廷何妨以論蒙啟三傳豈
獸翹貼括之小舌者走而怯恣荒唐之大言者遘而慙

與湯君詩盈尺久懸於

國門文不脛已走於天下而是編緘廚祕笥非相與同
摩者不輕示嘗從史其付手民則曰未也有待也豈
敬禮之文尙俟乎陳思論定抑劉晝之賦殊畏乎魏收
詆訶或復將爲汲冢之深藏以免曹瞞之秀忌耶彼讀
君之詩與文者僉曰偉才偉才也是又握寸挺以杵九
夏之鐘戴尺筮以括大圓之緯者

過庭錄序

吾師歙縣徐廉峰先生官翰林時其哲嗣志導孟卿志
恭少峰昆季隨侍讀書於京邸先生退食暇躬嚴督責

以身示型二君退而筆之簡曰過庭錄柳玘之書輩賢
之經不是過也變謹爲按錄副編而序其畧曰大讀書
九十七卷華微罔慚爲賢裔改行二十九歲張充卒成
爲通儒吳伯庸能以操厲守父風疏仲翁不以貽財損
下志門庭藹吉喬梓交榮貽爾嘉謀大其世閱惟斯錄
其明券焉先生爲健庵司寇公後五世以科第傳蘄州
之詩名南昌之宦蹟彬彬或或冠組壘承而先生之縣
祖德也以孝戊寅年二十九捷秋榜庚辰年三十一成
進士改郎曹爲翰林由是步諫垣典浙試歲戊戌
命襄校禮闈先生病薨

命未赴而卒賈逵膺文美之名陸贄著內相之譽而先生之稟

聖眷也以忠先生嘗謂曰孝莫大於守業忠莫大於勿欺勤學砥行守之要也履分盡職勿欺之本也以故握緣飾儒術之綱不涉謾言上私書請託之疏不避權貴青箱衍葉王淮之爲僕射元孫豫政有防爰季平誠朱雲再世炳炳者稟於經畧者式於史則處之所以辨志而故業出之所以毗

聖而讀康罔不導以躬踐亟爲令訓夫雜施不孫問方室心師道壞已先生之鼓育門下也如丁子然在少府

挾篋而至不必數千人其教習庶常也若戴次仲居博
士偉義所敝可據五十席下座北面士無閒言高牀施
帳其期入室則是錄可爲居師準衡者又其一結儔爲
黨面而不心友道廢已惟先生略形迹而崇肺附懲親
比而尙渾融識子師爲王佐才郭林宗原非阿好知道
林爲文章伯謝安石方與其游物以藍染而青蓬以麻
扶而直則是錄可爲擇友矩繩者又其一且夫皆嫉以
葆真治己之上律也淵量以納廣抑款人之閔軌也先
生不拘闕於中心忠如心恕恆周慎乎矜从矛伐从戈
司馬公之誠言嘗揭於佩紳呂新吾之語錄服之如蔬

布內不以憤眊蓄縮連蕩輒張者賊躬外不以委隨妒
媸嬌慢浮游者迕世則是錄可爲處人己之權度者又
其一若夫章句成一家之學箋疏發六緯之菁給札以
鐫華摩編以瀝液惟先生流析原委條列骯骶本李充
之論文體陸景之典語方軌前秀巫範後昆抑又其末
也爨以甲午鄉薦出先生門下入都嘗厲先生之壺闈
品非結絲媿受韓昌黎之知煦若春風常依程明道之
座右生睽隔夢寐唏噓拜啓遺文曷禁涕泗聊師郎世
業之編寫充褚无量之披覽緒以枝分章以節次誦后
言以膺明訓可當崔子之銘振鈞徽以翊

熙朝慎守范家之硯而先生之學行亦於是錄可見其
凡已

黃霽青太守綠牋詞序

慨自雅管風淪大鋪蠶廢六同差黍三調逸匏浮騰累
跪之容不通於簞飄厲軒磴之趣不傳於弭麟援者其
辭蛩啣者其響於是
有俳步蘭畹濫觴金荃席冷以窮
淫投媒以匿穢泥犁咫尺詔爲瑤想已延截俗飲若蘭
醪否或刻棘肖人鏤冰似鄂椎鑿泡影馳立脆焦塗膏
揜癢許西子艷翕之醜補繡成衲驚天吳翠粲之衣夏
有睥睨空虛唾棄煩絮陰池不砥砢以失流高秋有風

駭獵無涖以衍溢爲豪邁以鄙近爲清真元律其沈用
吾喟焉霽青太守丈兀岸河朔儀光斗山菑蘭九葩內
濯仙腑虹輶四字外瑑朗神石渠承明之才綺歲抗李
隼旗尙書之曲英塵擷韋開爲長短之言力洗箏琶之
俗青蠶思縛出入九章碧雞辨雄笙簧六代當其夕綺
投芬春小繫夢笛尾涕下煙心醉慵延睇水以蕩懷引
肩絲以結語背花凭鏡纖髻窈波免燕坐衣襲肩橫雪
離合者影嬋媛其姿至曼難鐫極嫵可撫爲之犀梳櫛
玉篋管題紈羅帳鐙昏三更畫樓之雨橫塘月落一笏
遙天之峰蓋綺而不靡情之止乎義也風騷斯擅體續

亦工揚造化爲波瀾植理厲爲根柢撻雲接綫游絲裏
來擣麝和麈鞠香浮去塗鷓削劍而眞宰愁權引蟻穿
珠而鬼工妒巧都尉之鴛鴦比翼魏收之蛺蝶五銖張
郎花影之弄柳壻微雲之抹罔不潔逾水滄燦擬觚雕
陽和蓄於寸心優曇噴蒲萌甲莖於寸楮勺藥蟬媯蓋
典而不滯韻之餘於文也而况宦游三十年足迹半天
下落日帆影羣巒翠橫明霜羸鈴千里沙遠凡夫上谷
漁陽之郡金陵武昌之都六詔三巴之鄉百越五陵之
地耳目泮河夢寐濫瀆清節所駐古懷與迎狎潮侶軀
摩棧聽虎嘷或昔洩漢唐掌收淮楚黃河遠上春楊不

青烏鵲南飛大江皆白露
蕤天末亦有季鷹之思風絮
城頭詎無方回之感紆迴閒鬱
伉爽聿抒則又壯而不
浮氣能攝乎神也要其汰語去滓
斂聲入微西夏番陽
陶爲一範側帽延露嚮其同馨
春水纏絲紅杏華貴茹
商吐角無愆乎大晟量孔斟并
不弛乎正旨用是式斐
鞞砭纏冤裘先聲裾後起吾知
猶響之於谷若影之在
隨云爾余也弱已好弄壯復多
愁妍與靡知瘦惟梅畫
銅琶之淚空激銀屏之曲孰諧
浮麋已亡未預瀏颯之
叶種芸雖狂其嗟林懍之稀何
幸天涯得邁同調於虜
墨墨者踞於才躡躡者喪於律
徒駑駘之互競卒繪綾

之不齊三萬六千場棄之慌罔八十有四調聽諸傾陀
則是卷也奚疑非伶倫琴徽太常宮矩廣陵三墨鈞天
九成足以躡李唐而追趙宋也耶眞靈位業五脂鍊陵
陽之丹蓬弱仙風八琅協灑嬰之奏

侯選同知方君墓誌銘

君諱璣字敬時又字松厓浙江嘉興人也方雷遐胄衍
其瑤華莆田宗緒鑠彼簡牒先世起家鄞郡旅禾宅居
絲蔓瓜傳綴祀者七世君惟降焉漢時聖公瑰乎賢良
之望宋代彥直韡哉詞翰之流曾祖諱士均稽核鈔摺
星霜胼胝畢劬紳敏積贏戒侈例授修職郎邑郟風仰

之祖諱鼎輔以君貴貤贈奉政大夫鏡攷剛練識度鍛
鉤平糶禦兪道路爲忭考諱誠稟植恬退菽精樞素裘
構竺其孝行儲給充其義端妣氏鮑銘守女誠持循內
則以君兄濬貴

誥贈奉政大夫暨宜人君生妣氏邵以君貴

誥贈宜人華族蟬聯紀瞻之傳可引哲源秀濬柳玘之
訓是師君少岐嶷邁堪籥雲激不纓垢蚪盤鳳戢神晞
乎朝陽厓丹壁青行超乎嶠廓太古爲履春冰在衿滌
蕩五蓋黼藻百行底厲之暇兼事書翰滌本斯邈導流
蕭張曳華煙飛垂泓露結越山道林換禽足娛慈恩梵

圃植柿始遍風氣爽爽舞鶴續其遠姿
天門巍巍跳龍肖其靈筆惟行若學泯
訾謔焉長逾卓轢迴異軫才踐直引殍
急公過礪非冀撻觸其德要譽於鄉曲
欲使廢瘵所狂偕躋於平齋道光六年
癸未歲大飢饉煮木榆少掘苴澤荒比
室之縣猶罄行路之色如蠶帛平之倉
罔補於耿令續命之田殊望乎劉公君
迺繩萬祖篋指罔助賑流瘠賴蘇何畏
劫鼠之變庸佗尙免不吟哀鴻之詩當
道者嘉乃續請

旨議敘以同知紀錄二次時論咸躋姱
嫩彌彰矧其吐諸邱山不移寸軌肝膽
日月可薄太穹信幟允操善達

必嚮分漿濟老薄遽者咸依潔宇恤嫠俾弱者泣戴夏
閔藐諸孤之銜恤以推不忍人之仁心望則李陳行則
儔鑒領聞無恙驚驚三山之輝博譽似斯驂驪九坂之
骨匪所謂釋塵昧抱朗節不爲紆譎浪淒而偶於瓠落
者乎茲以道光七年丁亥五月朔日因疾增加遽捐館
舍閱春秋四十有五朔生年爲乾隆四十有八年癸卯
十月十有三日嗚呼柯摧璧毀星隕松崩空涕泗於鷹
琴忍沈吟於鵬賦卽以是年十有二月五月卜葬於城
郊之東黃圩封鬣券臺潛幽沙府荇藻紛其隱藹繡川
近環栝柏鬱乎菴龍胥山遙峙配宜人氏卜爲同郡巡

檢公諱孟生女子二伯惟祺候選同知仲惟和候選通判君卽以伯子貴

誥贈奉政大夫女二長歸海甯州馬候選鹽運司經歷名鴻寶次歸姚名鴻燾秀邑庠生也孫三受詩受書受福女孫一支者藟庇宗者椒繁青箱充閭白華蠲饗泉州長史振翊有人桐廬隱君清白其嗣在余簿閱久緬耿絜夙型敢辭文諸貞珉俾之掎於兆隧所願漆宮之版永葆於司空但媿潁川之辭無益於陳寔云爾銘曰瓊若何縝耀以韞流元精上耿霧翳匪幽子孫椀籓一封冤矜青蘿白雲千秋其妥

歐府君墓表

夫隴畝韜身遐哉田游巖之望慈卹崇誼卓乎邠道徽
之風獨行之清榮於朱紫布衣之貴傲彼王公若歐府
君者所謂守上簡以瑩情持夷遠而超俗者也府君諱
起炎字炯齋甯波象山縣人著姓東越王會之書可稽
傳裔南宋宮音之支難紊高曾以下世習胼胝效種放
之赴劬尙裴坦之處絜府君少孤失恃懷蓼茹辛靜芬
響於寤言結榮蔭以葆志關覽方策恥爲拘儒勤敏應
裘以安素業屈蠖物外眎軒冕如浮埃潛暉十年知箕
穎有君子則府君者其明畀之夏侯勝抑善稼之樊君

榮與夫占箕相斗以順天情澎浸確墾以營地宜扶良
抑莠以遂物性詎求術粥務生民之根本不繹墳典通
古皇之經綸抑魯史公謙不誣良善濟活者多江士清
不食菜根養生者大陸瑁收徐原之子桓典成王吉之
墳孔思遠惟廉不事矯飾溘于恭以讓能感盜心以至
韋承慶之公平辛佐治之正直李公輔之昏密法喬卿
之恬懣延叔堅之明通王仲寶之儉約竒蹤逸軌昭鑠
古今而府君以藐質肩大綱斷斷者志以一身綜眾善
嶽嶽其坊惟故老成丞典刑而宗族相光寵一鄉稱善
士而閭里無閒言也若夫事生御萊子之衣事亾刻丁

蘭之木鳩祝晨切烏情暮申內行肫純益昭嫩焉祖宗
祀產多侵蝕於不肖府君舉而收掌之準錢可千萬緡
有奇則又義例祓歸強姝芮攘者時行鄉飲酒禮前邑
侯李公採眾論之著碑府君爲之介式閭致敬升席繁
歌矜式有儀罔不嘉許是以矯然蹶鶚溯酒泉者慕宋
氏之遺蹤竊若孤雲游峴山者希龐公之高躅府君生
於某年月日卒於某年月日得年八十有四配孺人氏
鮑與府君同生年後府君二年卒得年八十有六合葬
於邑廬頭之莊下邨於康禱犁在室感駿發之良期松
栝環渠卜牛眠之兆隧植本旣固萋葉彌修子一名承

天孫一名孔章竝

誥授四品銜曾孫二名景辰邑庠生名機業儒元孫二名仁撰仁衍陸仲元著聲吳郡後應釋褐爲官薛景猷表德汾陰世且讀書稱孝故刊遺德用闡潛光不泯芳猷視茲貞石云爾

許竹水先生墓表

鄞西南蕙江許氏於明天順閒自金華分支遂世其族越十傳有竹水先生者其文章行誼閭里重之既沒後二十有一年其子夔以狀來請爲文表其墓先生諱徽三字召亭一字小雲三世俱以厚德著高陽遐胃隸附

庸之版圖汝南宗祊耀山淵之綽綽幼馳神譽夙稱偉
材擅謝蘭之靈敏兼任昉之穎悟旣長畱心揣摩刻志
攻苦解難解之奧義不勑椎鑿見未見之奇編躬親校
讐逮賦青衿彌事黃卷然薪忘寐下帷癢遊博雕屢鍛
長謝秋賦駿馬能籥敢辭太行叔重之箸說文允承家
學昭哲之號博士未慚賢裔抑復隔幔授禮鳴鼓示經
納徐曠於沈重之門肄鄭灼於皇侃之舍師事皆賢心
儀惟眾已其所讓述有毛詩集說三禮鈔困學紀聞偶
牋說文堂文藁小雲居士詩鈔竝若干卷藏於家佃獻
六學總綱百氏薈是過焉矧著善譽載脩內行掇菽抱

闡孝或然掌植荆在院友則因心行復植遲林邱偃仰
元化挂頰而看山爽乘輿而造竹林莊周達生詎興烏
鳶蠖蟻之感東方避世將爲洲島昆蓬之遊其不挂名
利之藩嬰增繳之累者與溯先生於乾隆三十有八年
癸巳七月生道光九年己丑二月以疾逝壽五十有七
嗚乎朱弭遽絕守舊瑟者銜悲白雲不還撫遺松者實
涕配陳孺人克持嗟儻之型允協鞏紳之鑿生子三長
芬次芸次芝續配周孺人生子二次夔次荃名砥會蓼
德貞矢柏至今矍鑠焉旣葬先生與陳孺人於蕙江南
原之竹水公潭門人以竹水先生私諡之喻其有節而

清也嗚乎正始之音一朝長謝師資之德百舍無從
精氣於風煙委形質於泉壤可不哀哉銘曰

文章儀鑑德行表蘊之穆穆濯晶晶片石空山名壽考
候補鹽大使任府君壙志

府君諱國任字聽樵蕭山縣人也琅玕樂安冠瑰才於
南梁中州新息縣寶冑於北宋分桑盆之裔隸固陵之
版曾祖諱廷梁祖諱焜父諱元坡茂世序祊素德貽嫺
青閭載式軌緒宏焉府君少尙節敵長度肆正謝樹懃
以持稱懲握蹠而抱瑜精爽青巒之姿咳唾明月之彩
由國子監生入貲爲九品官就安徽試用膺長吏之二

百石列香尉於左右丞惟孟東野不卑小官是陸景清
可升最籍旋以亳州軍功超署照磨聽事滌焦邑之祇
彗牙門繳符飽皖流之淳泉鈴下趨鼓實驄馬之始徑
敢委蛇於末佐時例引

見奉

旨進課鹽大使試用閩中府君遂攬粵王趨彰武摩玉
融以呼隼灑螺女以活花方期均輓緩係閔逋儲羨師
杜中立之籌筭輔錢子暄之忠清而長鞭遠折枉聽劉
越石之雞瘵氣不祥竟奄夏侯湛之騎嗚乎哀哉府君
生乾隆某年十月十三日卒以嘉慶某年七月二十五

日閱春秋若于歸葬於邑之呂方莊厥配王孺人祔焉
霜楸墮葉颯乎古原風楊淒蟬送以頽照棄觚之志鑄
硯之才恆茲泯冢已府君生事鉛槧攻於比興外汰油
餃中纏宛變咳黍之笙三奏湘衡之佩百結此情雲葛
有辭雪霏杜煦曰柯篴聲也蔡名衡曰江州淚也丁文
濬曰蘭成悲也可謂知府君者矣所箸研鄰集若干卷
已付梓青岳丹壑家學遠纘圖箕方治遺笥俊守九隄
惟霧亦足懌與鳴乎北幹蒼蒼曷官乎雁翔西河瀾瀾
曷警平驅逝晨輻闕耶崑表俟耶疇抗垂簾亦闕虛諡
朱陽之館泉禽不旋劉喬之賢空山委氣立石以誌庶

揭隱於永永焉子一名淇孫五祖模祖楹祖桐祖枚祖楨也惟楮之拓用播其流蔡曰砥在槃弗嘗於往者

魏滋伯花灘漁唱圖引

以心隱道斯羣寂與緣於目寫澂則眾境無滓矧滌時鑄景佩老襟莊穆穆乎靜存泠泠乎動感是以沈涵元化上醴不能奪其味搏拊至響大招若欲闕其聲魏君滋伯骨擢凌鶴息靜鍊貢山香之綺能描水藻之妍自斲古之奉倩度何翩翩世無昌黎意且落落謝喧而情罔誘守澹而趣彌孤此花灘漁隱圖所由作也澱臺平匱水眾四縣漪香風中黛影煙外闌鼻語夕渚鷺弄秋

菱蘆之葉礙楫以紛糝荷華之支媚人以晚晚迴波明
箬游漾之致欲仙細瀨入弭欵乃之謂爲引與之滌耳
慧證意言愜近懽攜遠爽儂唱女咏何讓乎雪茗葛天
無懷不私於彭澤嗟乎黃鐘大呂誰撫瓠巴之琴佚筦
淫絲久嫌下里之調迺得清琅以解鄙萃絜以怡神乞
月代鐙倩驅司酒席幕天地昆友燕鶯豈廁於匿歲投
閑而矻難治俗按律索籟而滯不濬霧耶隨在咸諷于
喁得風雨之樂何時竿笠汗漫借水雲之游

潘補之舍人石壁探幽圖引

新城不來後無詩人商邱云逝誰真游者銅井如墨包

山有青癭鶴一雙飄飄仙姿空翠萬仞兀兀終古潘君
補之吳趨詞客洞庭散漁蒼赧夢耽奇壑目邁蘭足曳
屨不藉竹筇窄袖納雲可當棉絮竭來滌渡於木瀆尋
煙於鄧尉樵迹所到視爲恆蹊梅花未開不減清興樽
酒危闌下闕玉龍之巢疏衿遠風高唱銀雁之曲手招
綺狄結藤作梯夢貼眠麝煮香代餽黯澹鐵蘚之縫靈
菌五華迷離晶乳之閒丹葩九茁結氣成石僧不辨名
背竹出潭月自爲宅而補之務窮厥委一洗其蒙金碧
不薦小李將軍之畫元奧能讀霸威丈人之書始知造
化之厲皆有新奇惜彼見聞所經但涉膚淺若夫俯眺

林屋平擷穹窿疏松迴颯耳接遙磬亂荻斜照眼明去
驅抑無論已咎者余涉其地所閱頗同聽雨佛樓枕鬱
嵐氣踏葉鳥徑衣多露痕富邊廢寺之碣忽得草際天
半埳鈴之語疑在澗中當此之時盡芟世想微吟小詩
秘悟喜通妙賞恨獨披覽是冊烏能無辭問吾去安歸
結廬當謝塵市儻約君重過老木猶能認人

書改七薌士女冊後

玉壺外史以搓酥滴粉之才擅攝影勾塵之技心函古
韻手摘華胎足令周昉袖毫仇英卻步是冊迴光駐鏡
嬾象出空發頽綺以鮮紅悅悽覓以爽翠么鳳五銖背

月榼袖擢柳一捻當風弄姿勇澤何激綴景具正伶元
飛燕之傳未罄其地靡徐陵玉臺之序轉薄其漫羨能
雕瓣蕙如窺寸施是宜醜以珠漿糝之挑眉懸燈佐酒
啞定生香緜影看花愁當化雨矣

周縵雲茗邊填詞圖序

靜院生翠游絲午閒疏楞背紅緜桃春小煮水石銚笙
爲玉聲拂研髮几爐有檀息思紆繆以繇官時澹池而
靜蕤幽蝶啞花續公謹梅影之篇單衣試酒和美成蓄
薇之什聊託隱感誼比乎騷不爲曼辭制導乎正此圖
之所由作也縵雲周君以鍊厓史才綜玉堂賦手珂瑛

天鏡瑤價少雙花鬢烏紗杏簪第二范希文高樓百尺
悱惻爲褒宋子京畫燭兩行神仙之亞方將昌揄

上國藻市

禁屏用細樅簾之正聲敢墮文字之綺劫然而錦繡緒
密烏能避箔而謝繅么鳳羽攖輒喜迴雲以引媚太空
秋晶河自銜霞江漪晚平風來引淅刪詭說以蜨意眉
微言以演神要厥指歸詎因情滯夫其枕梧當簞擗芭
代牋鷺背雨過乍堪墨膩蟬顛露褪微覺袖涼芙蓉後與
主賓媵之短調冰雪相濯漱齶以巨蠶疏鬢半巫評量
解眼之沸橫波一射噴蒲麝煤之光足抵酒醺五石八

斗可悟琴理九宮七弄解西風渡江之詞何必桃葉知
明月踏廊之曲亦是柳枝山香攬塵靚蛾之粉衣轉碧
天垂欲海方壺之暮色皆丹於是淞尾簫船暱小紅之
唱烏絲闌本鈔寒碧之書斂古籟以松篁氣得秋澹薰
靈沆以蒙洱味雋甘迴以視珠櫟乞蘭犀匳捻桂肘囊
叩叩同心結豆蔻之環手悅融融媿態睨檳榔之頰染
妖織冶儂我懽卿者當有閒已僕少工側豔長且悔之
身尙飄蓬笛誰聽者記替茗溪汎權君其漁裝只今燕
市閉門我惟禪榻那得偕攜陸子往品中冷之泉歸當
學步陳家去續日湖之唱云爾

陸宛卿荷亭消暑圖序

荷亭消暑圖者禾中方君蓮卿爲其妻陸宛卿作也靈
伉天篤淑耦仙隸案靜諧瑟帶整約箴博山雙煙游絲
互結玉髓竝笑纖蛾欲蜚是真擅林下之風稱閨中之
懋者藻簞初拭蘭疏乍開風姿弄妍翡翠潛語露氣灑
碧蜻蛉倦立暗潄接鬢篁陰之辭明黛前被膺上之山
而宛卿處穆導嫺匿姱寄曼簡鄰媛以鬪荷選僑婢以
課琴無何火繖高張冰臺皆炙思樂昌澄水之帛憶燕
王招涼之珠南皮之李不登書上之瓜待戰幾人啣苦
隨在汗蒸若斯亭則邃堦按去斜暈疊綺鞠光通步蕙

氣繚房芳苓百舒朱華四照坐佛曇之天界怡瓊茗之
序華蒲枝荻枝交緯空綠扇影簾影時宵墮紅高颺曳
而一蟬鳴清渠漾而羣軀唳銀屏簫舉媵彼雪兒之詬
金尊酒闌沃以荔子之酪持衫延賞引塵伴譚佳醜透
遲同心被飾吟李太白之句粉澹脂穠填張叔夏之詞
絲飄翳縵有境若此其樂可知聊綴綺言寫茲靈契底
用青春楊柳畫蕙開鸚鵡之樓會期絳闕凌華祕牒署
鴛鴦之券

韋仲雅琴言蘭笑圖序

吾友韋君漣懷命其仲女韻覺執贄於吾門並出琴言

蘭笑圖卷逸子序之韻覺字仲雅吳閩之翹楚也隸段
安香之籍有謝道韞之風壺德夙嫻霧弋天賦截古梅
以纒骨浥秋漜以拭神倚妝高樓山亦避黛闕影密幕
燕來諱春梭月夢而玉想恬繹湘騷而珠啞洩父書充
棟能辨丹鉛母教佩紳詎假箴管此真進士之不櫛爲
大家之再生者已在簪髻年卽解琴弄量徽度軫剖誤
於毫釐旋宮轉商探微於衆黍方其埽突能飪倚篝倦
鍼院深夜幽人寂簾下窄袖斜揜潄弭靜熨一拂再拂
手閒意閒如投梅林有鶴振羽若咽灘水使猿揜啼白
雲在空應停姑射之縑碧海無畔何來成連之船夙耳

幸聞感予懷者累日近技益進恐俗手之咸斂矧精六
瀟洞響仲姬會霧脩於不言萌春胎於寸腑引曲思以
尋媚屏靜息以聽芬汗粉滴酥清露巫筆喜氣盈抱好
風鬢衿發粲嫣然小字署以解語結佩纈若美人服之
國香納宋禕於墨屏娟娟而韻媵湘妃以珣瑟粦粦其
葩則又足消林下之清課補玉臺之畫史者從所耆好
用以名樓圖額長縑廣徵篇什有韓蘭英之才誰信婦
人爲盧文進之女宜稱學士兄妹皆慧並藉其磨礪姑
娛罔知但師其婉淑是惟榮茗穎舒明瑰采發灑嬰遇
謫未妨游戲於世淨鬢復佗定當把臂入林吾知儷筵

聯文鵠之吟導音彌正深闔鎖玉魴之夢含素自貞矣
蘭窗讀畫圖引

帽影鬢影簾水如月幃深燭深瓷露有香倚銚煮泉瀉
四五甌橫琴代几積三百軸珠心與儷玉想不埃鷓叉
在手但聞瓊釧之聲麝煤落袖乍添古煙之色靜何煦
煦爲空谷境韻之珊珊宜林下風澹至益妍媿極斯契
夫以朱門紈袴競祕習舞之房翠樓嬋娟濫爲慵繡之
習天漉滿斗難澣鄙腸泥儻列肆祇眩孩慕其稍知風
雅者辨識丁乙女皆左芬供奉黛脂人盡京兆矧拾綫
鞞縫矜詡天孫之裳假手記室狼藉桃花之紙僞趨所

尙不直一哂信如斯圖真佳耦矣星齋太史跋鯢龍門
鏘鸞玉堂茹納穎華浸淫古秀春山到城能悟輞川之
筆井水滿地皆諷屯田之詞其賢耦琇卿夫人素蘭抱
心明珩裁骨么鳳春狎能領佛癡墮馬曉攏不乞世媚
養綺石之薜婢攜灌壺剔湘芽之螯郎索佩邁雙語絮
肩斗室因盈罅隙獨睨桁閒蠶妒夫婦之樂神仙之儔
扞趣陶神吁其至已抑復左緗右縹奴朱隸碧潛窅思
於墨杪樹元味於楮外拓鏡邊粉本攜中祕紅杏之花
量燈裏林巒俗上官白玉之尺蠲塵一拭漪雲上屏鐵
網無漏珊瑚爲海嶺班婕妤之扇繡平原君之絲此真

緣以結深慧堪交濬者與於乎得鹿者懣正不如其鰥
居有鳳匪淑空傷心於天壤則菀林之播琴御之徵惟
斯圖其有焉顧我鬢絲禪榻膺歎感兮誰知羨君琬合
圭聯信雙脩之有福

朱葆瑛女士小蓮花室學隸圖跋

魏茂漪飛帛誰補漉摹吳彩鸞官韻久飄影本下此玉
臺書史潤色膺名黃絹辭牋捉刀劊手相率而詫頷之
咸甘受其慳焉葆瑛女士虹舫朱宗伯之賢媛繡山孔
孝廉之淑偶荆瑤華嫵慧心鬱紆緯懷維文櫛性無翳
幼卽弄翰研乎六體之奧近可成家參以八分之適神

鍼刺繡葩爲玉稜蠟汁灑波藻有鳳色敷凡啞媚導委
挈原是圖之佗志所耆爾想其几盞罷妝御琴停和鈿
脫婉以調力心裏香而運思嶧山片青流影入墨滄波
九泓吹瀾上臺蕙園蒼爰可屣墉城之錄竹箱黃屨獨
祕熹平之碑覲所創者嗟其黷已夫運削聖之斤犛毛
其析蒼視蝨之目塵光可雕功不隳元天豈斬慧以之
左右班蔡祖禰史曹猶花於鏡若風在滌適蒲鉚之暇
供帳簡之需者亦烏足以語斯也操彤以勵徽鏘瑪以
佐讀佗翻房之才儻爲德門之女師柿葉高下畫滿爪
釵之痕繡帖零星寫遍金石之譜則是圖其左券云

阮梅叔雷塘話雨圖卷跋

墨卿伊太守以管涔名宿印綬江右五馬所駐召杜誦
焉焦里堂先生絜銘孝然潛志犧周郁乎虎觀之儒爲
下士矜式之二公者風流遠矣讀邊書記軼事心每契
之梅叔明經文於二公爲苒逆交是圖之作蓋紀乙亥
五月事也去今者二十有六年而吾丈亦頽然將耄矣
感乎星光萍葉若夢之沈采高藻翔猶孳之實託諸豪
素寄爾遠思樽酒其寒斯文具在時也蒸梅天溽吹柳
氣激入院屏騶迎門倒屣初篁拭潤弭澀不鳴疏林坐
煙几翠若渥玉鉤蕪滿題詩帝子之陵鐵戟沙壘讀碑

將軍之墓胥浦之水忽滄海門之雲乍升帆鳥向夕大江欲浮禾麥在陌萬絲爲醜相與恣清譚悅佳序情匪逃隱語不涉私旣暘乎四美之并復愜乎羣生之望一圖之作千古券焉然而華堂蜀阜歐陽之謾久荒高閣雲山淮海之詩誰續蟲之所弔不蒸吟籌雁之所墮已青墳草凡坳於卷者如劍潭宛轉之吟山尊摧抑之句琴塢淒戾之什并叔伉俠之篇罔不人隔琴亡羽殘爪贖而吾丈於此能不淒然而悲惻然而淚耶於虜因巢覩燕香沈風絮之波撫蛻追蟬韻在秋桐之籟豈元化之多迂竟勝事之難再自我讀之因思吾生之所與車

投笠合者何亦蘭摧玉折研焚劍棄之多也芳蘅在流
逝不可掇斜日冉冉柳絲拂舷泚筆題此未免增友朋
之感爲唏噓者久之時庚子春泊舟於維揚之邨

書徐隨軒韻紅樓曲圖卷後

詞歎曷寄睽彼佳人蹇產所極釋之香草施心欲冷轉
憐紅麝之薰桐尾雖焦可撥青萋之引拂景易逝撫韻
多乖近檢所遘古怨繫焉夫以烽煙海國無地安筇金
粉山川忽來側帽借情藥憤習綺培栢明星在天疏花
尚井玉簧炙而微酣破珠箔卷而嫩涼生滴心淅以汎
萍貼睂山而竊翠羊侃之繡襦宜攬瀉于之薌澤可聞

眼底風懷夢中水逝本非蕩子詎真欲老是鄉言念故
山始有不堪回首者惟時練塘師老申浦櫂流臨潼不
關昆侖竟陷嗟栖書之盡爽慨鄰屋其早墟白髮窮途
其領頓顛之味黃泉新涕難招弱飯之覓時隨軒則寒
蟬復向誰號而羈鳥其將自鍛乎迺翻白司馬之調託
庾開府之哀倚袖擘牋儂其小李停橈問姓汝亦長干
桂樹云彫應撫枝而咒籟唾壺可缺當散髮以逃禪虎
敢牽絲犀誰剖理罔遏騷想聊寫曼聲孝穆前身仲宣
今感聽到念家山破白雀何飛待渠陌上花開黃鸝柰
老讀是卷者宜知其隱已

列僊酒牌題辭

闢軒皇帝華胥世界宅醉鄉飲民日與涓子鬱華者儔
斟正嚼蕊駐鍊精魄軼蓋而醺乘蹻而若蛻冲蘇希靜
不知紀歷元會復何問塵劫中有螳臂蝸肉事任子涓
長以鍼孔心運筆蔡子容莊以蝨輪目運刀兩妙水乳
為菴蔽瓊采翻濫局為鉤繩斲削輩縣一筌蹠為簡觚
發曼藻為神樓九霧宣洩寶華部署丹溜為蘭堂酌鼓
壽十金下三擲之侶皆軒眉藐盼有翔鄧林遊福庭之
樂乘六而八昇數四十有八繫五五二十五圖九九八
十一簫鮮不賅舉吁乎獐且幻汎而磯焉庶可養元首

儀懲操抗橫厲而怡行於鳴儔浮禮時歟咎有鐫刻耐
庵者颯毒卉夸雄俠狙鷲翊奸烏足以爲訓或避此而
刻畫王實父心愉玩翫延娥娥之洛靈瑤婢目攄亦近
於蕩謔觀是編前可无古矣說因有子嶙論果有竹君
吾復奚從置喙然不能委也鉤致以問老胡或尙不夢
夢於嚙此令儻行猶能爲小監爲走史不必策青虬揮
夫容五色煙敏光碧淩倒景亦當如蒙莊蝴蝶栩栩然
遊戲其閒已

復莊駢儷文權卷四終